

## Calderàtt...Magna...Stagnen

L' era un specialista, nela riparasion di cuntenidu,  
de ram, fer e aluminio, al girava in biciclèta e anca a pee,  
dumandava al permèss de laurà in di curtii,  
toeuc ga purtavan un stuen, una padela, una pentula de riparà,  
anca cunt i culderi, i sidei....a laurà fini,  
al cunsegnava tot quel cal giustava per al so guadagn.  
Al fundiva al stagn, dentar a un recipient cunt un bech,  
al martell, la tenaja, e cunt un mantis per alimenta al foeuc,  
al duperava i ciot de ram, che' l faseva per soeu cunt,  
ja ribativa nela ciudera, un asta con di bus de varia grandesa,  
e ala fen al stagnava tot cunt di listi de ram,  
al duerava anca un' incudin picinina,  
per laurà de ribatidura da sura un toch de legn.  
Ceri volt l' era ciamà anca tenc,  
per via del negar del padelam, al pudiva  
stà via de ca, anca per di periudi abbastansa lunch,  
per nascunt anca la propria maestria,  
pudivan parlà in maniera de fàss menga cape,  
ognon al gh' era i soeu troch, per fas cunos mej.  
L' era presius sto mistèe, per la realisasion  
di laurà, indispensabil ala vita quotidiana,  
cunt cura particulara, al cupriva de stagn  
tocc i padel, per menga faga ciapà l' ussidasion,  
che rendivan tosich i pietansi....  
In co tot i padel in sta sostituii da olter material,  
com' è ghè sta sostitui anca al calderàtt.

6-11-2017